



Uunga  
Inatsisartunut ilaasortaq  
Tillie Martinussen  
Samarbejdspartiet - Suleqatigiissitsisut

**Kinguaassiuutitigut pinerluutit pillugit § 37 naapertorlugu apeqquummut nr. 2018 – 138-imut akissut**

20-09-2018  
Suliap nr. 2018 - 14385  
Akt. id. 8684375

Qujanaq apeqquutinnut.

Isumaginninnermut Inatsisinillu Atuutsitsinnermut Naalakkersuisoqarfik  
Justitsministeriaqarfimmit apeqquutit akinissaannut ilassutissanik pisimavoq.  
Apeqquutinut 1, 2 aamma 4-mut Justitsministeriaqarfik ilanngussaqqarpoq kiisalu  
Rigsadvokatemit, Rigspolitiniit kiisalu Domstolsstyrelsemitt ilanngussanik pisimalluni.

Postboks 260  
3900 Nuuk  
Oqarasuaat (+299) 34 50 00  
Naqitanik nassitsigassuaat +299  
34 66 66  
E-mail: iian@nanoq.gl  
www.naalakkersuisut.gl

**1. Immikkut suliniuteqartoqassamaarnerluni, politiini, ikilisarniarlugit kinguaassiuutitigut kanngutsaattuliortartut aamma/ imaluunniit Kalaallit Nunaanni kinguaassiuutitigut kanngutsaattuliortartut katsorsarneqartarnerat pitsanngorsarniarneqassamaarnerluni?**

Justitsministeriaqarfik akissummik imaattumik ilanngussaqqarpoq:

*"Apeqquut 1-imut tunngatillugu Justitsministeriaqarfiup aallaqqaasiutigalugu oqaatigissavaa, kinguaassiuutitigut pinerluutit pillugit suliassat pinerlunnerimmata ilungersunartut, politiit tungaannit soqutigineqartut tamatigullu soqutigineqartussat. Meeqqanik kanngunarsaanerit pillugit suliassat sukkasuumik sunniuteqarluartumillu suliarineqartarnissaat pingaaruteqarpoq, Kalaallit Nunaannilu politiit suliassat taakkua ukiuni kingullerni ukkatarinerulersimavaat. Kalaallit Nunaanni Politiit videokkut apersuinerneq suliat suliarineqartarnerannut piffissaq sivikillisinniarlugu anguniagaqarlutik suleqatigiissitamik (task-force) pilersitsinikuupput aamma suliassanik ukkassinerat – matumani piffissat suliarinniffiusartut ilanngullugit– ingerlaqqippooq.*

*Tamatuma saniatigut kinguaassiuutitigut atorneqarsimatillugu suliassat pillugit Kalaallit Nunaanni Politiit peqqinnissaqarfimmik oqaloqatiginnittarput, aamma taamatut eqqunngitsuliorfigineqarsimasup misissuisoqarnerani pisariaqanngitsumik artorsaatissinneqannginnissaa pingaarnertut qulakkeerniarlugu, peqqinnissaqarfik suleqatigiinnissamik neqeroorfigisimallugu.*

*Justitsministeriaqarfik inatsisissanik nutaanik arlalinnik naammassisaqalermat aammattaaq oqaatigineqarsinnaavoq, matumani Kalaallit Nunaanni pinerluttulerinermi inatsisip aamma eqqartuussisarnermut inatsisip (kinguaassiuutitigut pinerluttarnerit) allannguutissanik siunnersuut ilanngullugu, tamatumani kinguaassiuutitigut pinerluttarnerit pillugit pinerluttulerinermi inatsimmi malittarisassat nalinginnaasut naleqqussarneqarneri siunertarinerarluni. Siunnersuut Kalaallit Nunaannit Namminersorlutik Oqartussanut*

oqaaseqarfigisassanngorlugu nassiunneqarpoq 2018-imilu ukiakkut ataatsimiinnermi Inatsisartunit suliarineqassasoq naatsorsuutigineqarpoq. Det Centrale Dna-profil-registeri pillugu inatsimmut, kiisalu Kalaallit Nunaanni eqqartuussisarnermik inatsisip allanngortinneqarnissaannut siunnersuummut atatillugu tamanna isiginiarneqassaaq, taamaaliornikkullu ilaatigut, ingammik kinguaassiuutitigut pinerluttoqarsimatillugu timimik misissuisarnermut malittarisassat, politiit pinerluttoqarsimaneramik paasiniaanerannut pitsaanerulersitsisinnaasut, allanngortinneqarnissaat siunertarineqarpoq. ”

## **2. Politiini immikkut suliniuteqartoqarnerluni suliat suliarineqartussat ikilisarniarlugit aamma suliaassanik aalajangersaaniarluni, aamma/imaluunniit meeqqanut 15-niik 18-nut ukiulinnut kinguaassiuutitigut kanngutsaattuliortartut pillugit suliat suliarineqartarnerit pitsanngorsarniarlugit?**

Justitsministeriaqarfik akissummik imaattumik ilanngussaqqarpoq:

”Apeqqut 2-mut tunngatillugu oqaatigineqarsinnaavoq, meeqqanut pinerlunnernik akiuiniarneq, matumani ingammik kinguaassiuutitigut pinerlunnerit ilanngullugit, Kalaallit Nunaanni Politiinut tulleriarinnermi tamatigut annertoorujussuarmik pingaartinneqarmat pingaartinneqartussaallunilu.

Kinguaassiuutitigut pinerlunnerit pillugit suliani meeqqat 15-init inorlugit ukiullit malittarisassat nalinginnaasut malillugit video atorlugu killisiorneqartassapput. Pissutsit immikkut ittut tamanna pisariaqartippassuk, suliani meeqqanik inuusuttunillu 15-it 18-illu akornanni ukiulinnik tunngassuteqartuni, video atorlugu killisiuisoqarsinnaavoq. Soorlu qulaani oqaatigineqartoq suliat taakkua Kalaallit Nunaanni Politiit annertuumik ukkappaat tulleriarinnermilu pingaartinneqartorujussuupput.

Tassunga atatillugu oqaatigineqarsinnaavoq video atorlugu apersuinnermut atortumik nuutassaangitsumik , Nuummi meeqqat illuaniittussamik kiisalu Kalaallit Nunaata sinneranut angallattakkanik 17-inik pisiniarneq ingerlanneqarmat.\*

Kalaallit Nunaanni Politiit Isumaginninnermut Aqutsisoqarfik, peqqinnissaqarfik, Meeqqat Pisinnaatitaaffiinut Sullissivik MIO aamma Kommuneqarfik Sermersooq qanimut suleqatigalugit mississueqqissaarnissamik suliniuteqarnermik aallartitsipput, misissueqqissaarnerup meeqqanik innarliisarnermut ilisimasanik katersinissaq kiisalu ajornartorsiutip annertussusaa pissutaasullu pillugit tamakkiisumik isiginnissinnaalernissaq siunertaraa, taamaaliornikkut pitsaaliuineq nukittorsarsinnaajumallugu.

Aammattaq Kalaallit Nunaanni eqqartuussiviit kinguaassiuutitigut pinerlunnerit pillugit suliaassat annertuumik salliutittarpaat suliaassallu eqqartuussivimmi tiguneqaraangata piaartumik suliarineqartarnissaat anguniarlugu.”

\*Aaqqissuussineq taamaattoq suli atuutsilersinneqanngilaq.

## **3. Taamaassimappat taava Naalackersuisut sunik pilersaaruteqarpat pisortat tungaanniit ineriartorneq tamanna ikorfartorniarlugu? Taamaangippat Naalackersuisut taava pilersaaruteqarpat immikkoortoq pillugu inatsisinik atortitsinnermut ministeqarfimmik oqaloqateqarnissaminut, politiit**

**eqqartuussiviillu ikiorneqarsinnaaqqullugit qularnaarniarlugu kinguaassiutitigut kanngutsaattuliorfigineqarsimasut pitsaasumik toqqissisimanartumillu ikiorneqarnissaat sualummik meeqqat inuusuttullu eqqarsaatigalugit?**

Meeqqanut kinguaassiutitigut pinerlunnerit akiorneqarnissaat eqqugaasullu torersumik sullinneqarnissaasa qulakkeerneqarnissaa Naalackersuisut pingaartippaat. Ilaatigut eqqugaasut video atorlugu killisiorneqarnissaminnik sivisuumik utaqqisannginnissaat qulakkeerneqassaaq.

Meeqqat kinguaassiutitigut pinerluffigineqannginnissaat qulakkeerniarlugu oqartussaasoqarfiit assigiinngitsut qanoq ilillutik suliamik kivitsisinnaanersut Kalaallit Nunaanni Eqqartuussiveqarneq pillugu Siunnersuisoqatigiit 2017-imi ataatsimiinnerminni ullormik ilivitsumik piffissalerlugu oqallisigaat. Oqartussat tamarmiullutik suliassaq pingaartippat ajornartorsiutillu qaangerneqarnissaa kissaatigalugu. Pinerlunnerit taakkua akiorniarlugit ingerlajuartumik sulisoqarpoq.

Kinguaassiutitigut pinerlunnernik eqqugaasimasut pitsaanagerusumik sullinneqarnissaat Naalackersuisut *Inatsisunik atuutsitsinermut suliassaqarfimmi periusissatut suliniutissanullu pilersaarutaannut* ilaavoq. Tassani suliniutit nr. 44-mit 49-mut eqqugaasunut, matumani kinguaassiutitigut pinerlunnernik eqqugaasunut nalinginnaasumik atugassarititaasut pitsaanagerusut ilanngullugit, ukkatarineqarput. Suliniut nr. 61-imi meeqqanik kinguaassiutitigut atorerluineq pillugu suliassanik politiit pingaartitsinissaat pineqarpoq. Taanna ukkassineruvoq annertooujussuarmik politiitit ukkanneqareersaq (tak. qulaani akissutigineqartoq).

Kinguaassiutitigut atorerluineq akiorniarlugu periusissiaq Killiliisa qanittukkut saqqummersineqartoq, meeqqanik kinguaassiutitigut atorerluisarnerit akiorniarlugit Naalackersuisut pingaartitsinerannik suli aamma takussutissaavoq. Tassani *Inatsisunik atuutsitsinermut suliassaqarfimmi periusissatut suliniutissanullu pilersaarummit* suliniutit naleqquttut ingerlaqqippat.

Meeqqanut inersimasunullu kinguaassiutitigut pinerlunnerit akiorneqarnerat Naalackersuisut ingerlajuartumik annertuumik ukkanniarpaat.

**4. Suliani kinguaassiutitigut kanngutsaattuliornernut tunngasuni, sunik innersuussutigineqarsinnaasunik peqarpa politiit atorsinnaasaannik eqqorneqartut ilaqaatasullu nalunaaruteqareernerisigut atorneqarsinnaasunik? Tassa inunnik isumaginninnikkut immikkut ilisimasallit suliniutaasa atornissaannut suliannut taakkununga nangitsinertut?**

Justitsministeeriaqarfik akissummik imaattumik ilanngussaqqarpoq:

*"Meeqqanik inuusuttunillu 18-it inorlugit ukiulinnut suliassani politiitit isumaginninnermi ingerlatsivik tamatigut nalunaarfigineqartassamat, naggataatigut apeqqummut 4-mut tunngatillugu oqaatigineqassaaq.*

*Kinguaassiutitigut pinerlunnerit pillugit inuit 18-it sinnerlugit ukiullit Kalaallit Nunaanni Politiitit peqqinnissaqarfimmit imaluunniit isumaginnittoqarfinnit ikiorneqarnissamik periarfissaq pillugit ilitsersuunneqartarput.*

*Najukkami napparsimavimmi innarliisimaneq pillugu suliassamut atorneqartussamik inummik misissuisoqartillugu, taamatut misissuinermut peqquataasoq pillugu peqqinnissaqarfik nalunaarfigineqartarpoq.”*

**5. Ineriartorfiusinnaasut suut Naalackersuisut takusinnaavaat - aamma Naalackersuisut, Inatsisartut, nunami maani kommunit, naalagaaffeqatigiit iluanni aamma Kalaallit Nunaanni partiit akornanni suleqatigiinnissaat eqqarsaatigalugu unitsinniarlugit kinguaassiutitigut atonerluisarnerit kanngutsaattuliortarnerillu taamatullu pinaveersaartitsinissaq eqqarsaatigalugu?**


Soorlu Killiliisami atuarneqarsinnaasoq, Naalackersuisut kinguaassiuutitigut atonerluineq akiorniarlugu periusissiaat ingerlasinnaassappat oqartussaasoqarfiit assigiinngitsunik suliallit akornanni ingerlalluatumik suliniuteqarnissaq pisariaqarpoq. Periusissami malinnaatinneqartut isumaginnittoqarfinit, peqqinnissaqarfimmit, ilinniarfinit, kommuninit tallimaasunit, Politiinit, Kalaallit Nunaanni Pinerluttunik Isumaginnittunit, eqqartuussivinit, inatsisunik atuutsitsinermit suliassaqarfimmit, MIO-miit aamma Nuna tamakkerlugu Siunnersuisarfimmiit sinniisoqarput. Taakku periusissiami suliniutit piviusunngortinneqarnissaasa tulluartuunissaat atuutsinneqalernissaallu peqataaffigissavaat. Kinguaassiuutitigut atonerluineq pillugu suliassat najukkami sulineq aqquutigalugu assigiinngitsunik sulialinnik ataatsimiitsitaliap qulakkiissagaa, aamma kommunit suliassarivaat.

Periusissiami inatsisunik atuutsitsinermit suliassaqarfimmut suliniutit iluatsinnissaannut Kaalaallit Nunaanni inatsisunik atuutsitsinermit suliassaqarfiup, Kalaallit Nunaanni Pinerluttunik Isumaginnittut, politiit, eqqartuussisoqarfiit aamma qallunaat oqartussaasuisa akornanni suleqatigiinneq tunngaviussaaq.

**6. Suliamut soqutiginaateqarsinnaasunik allanik Naalackersuisut ilisimatitsissuteqarsinnaappat?**

Siuliani akissutigineqartut innersuussutigineqarput.

Inussiarnersumik inuulluaqqusillunga  
Med venlig hilsen

  
Doris J. Jensen